

“

孔子(或儒家)與家庭教育

”

孫中興
台灣大學社會學系
2018年6月9日
台北立德書院

開宗明義

孔子

《論語》

《孔子家語》

《孔子集語》

《子曰全集》

儒家

家庭教育〔名門教育？〕

父母

夫妻

親子

爺孫

以其人之言，檢視其人之行

〈公冶長10〉

宰予晝寢。子曰：「朽木不可雕也，糞土之牆不可朽也，於予與何誅。」子曰：「始吾於人也，聽其言而信其行；今吾於人也，聽其言而觀其行。於予與改是。」

人際關係的優位順序之一

《周易·序卦30》

有**天地**然後有**萬物**，有**萬物**然後有**男女**，有**男女**然後有**夫婦**，有**夫婦**然後有**父子**，有**父子**然後有**君臣**，有**君臣**然後有**上下**，有**上下**然後**禮義**有所錯。

《禮記》〈郊特牲35〉

天地合而後**萬物**興焉。**夫昏禮**，萬世之始也。取於異姓，所以附遠厚別也。幣必誠，辭無不腆。告之以直信；信，事人也；信，婦德也。壹與之齊，終身不改。男子親迎，男先於女，剛柔之義也。天先乎地，君先乎臣，其義一也。執摯以相見，敬章別也。**男女**有別，然後**父子**親，父子親然後**義**生，**義**生然後**禮**作，**禮**作然後**萬物**安。無別無義，禽獸之道也。故夫死不嫁。

人際關係的優位順序之二

《禮記·大學2》

古之欲明明德於天下者，先治其國；欲治其國者，先齊其家；欲齊其家者，先修其身；欲修其身者，先正其心；欲正其心者，先誠其意；欲誠其意者，先致其知，致知在格物。物格而後知至，知至而後意誠，意誠而後心正，心正而後身修，身修而後家齊，家齊而後國治，國治而後天下平。自天子以至於庶人，壹是皆以修身為本。其本亂而末治者否矣，其所厚者薄，而其所薄者厚，未之有也！此謂知本，此謂知之至也。

孔子的父母之一

父：叔梁紇

母：顏徵在

結婚

《孔子家語·本姓解》

孔父生子木金父，金父生睪夷，睪夷生防叔，避華氏之禍而奔魯，防叔生伯夏，伯夏生叔梁紇，雖有九女，是無子，其妾生孟皮。孟皮一字伯尼，有足病。於是乃求婚於顏氏，顏氏有三女，其小曰徵在，顏父問三女曰：『陬大夫雖父祖為士，然其先聖王之裔，今其人身長十尺，武力絕倫，吾甚貪之，雖年長性嚴，不足為疑，三子孰能為之妻？』二女莫對，徵在進曰：『從父所制，將何問焉？』父曰：『即爾能矣。』遂以妻之。徵在既往，廟見，已夫之年大，懼不時有勇，而私禱於尼丘之山以祈焉，生孔子，故名丘，字仲尼。

孔子的父母之二

「野合」疑雲

《史記·孔子世家》

孔子生魯昌平鄉陬邑。其先宋人也，曰孔防叔。防叔生伯夏，伯夏生叔梁紇。紇與顏氏女野合而生孔子，禱於尼丘得孔子。魯襄公二十二年而孔子生。生而首圩頂，故因名曰丘云。字仲尼，姓孔氏。

晉朝張華(232-300)《博物志》卷十5

《異說》云：瞽瞍夫婦兇頑而生舜，叔梁紇淫夫也，徵在失行也，加又野合，而生仲尼焉。安在有胎教也。

孔子的父母之三

3歲喪父

17歲喪母

《孔子家語·本姓解》

孔子三歲而叔梁紇卒，葬於防。至十九，娶於宋之并官氏，一歲而生伯魚，魚之生也，魯昭公以鯉魚賜孔子，榮君之貺，故因以名曰鯉，而字伯魚，魚年五十，先孔子卒。

孔子的父母之四

孔子作為人子的孝行

母親死後要和父親和葬卻不知父親葬於何處的窘境

《史記·孔子世家》

孔子母死，乃殯五父之衢，蓋其慎也。陬人輓父之母誨孔子父墓，然後往合葬於防焉。

《禮記·檀弓上23》

孔子既祥，五日彈琴而不成聲，十日而成笙歌。

孔子的夫妻關係之一：記載很少

19歲娶丌(并)官氏

66歲丌(并)官氏卒

休妻疑雲

《孔子家語·後孔安國序》

自叔梁紇始出妻，及伯魚亦出妻，至子思又出妻，故稱孔氏三世出妻

。(楊朝明和宋立林，2013: 580)

- ▶ 《禮記》〈檀弓上第三〉
- ▶ 子上之母死而不喪。
- ▶ 門人問諸子思曰：「昔者子之先君子喪出母乎？」
- ▶ 曰：「然。」
- ▶ 「子之不使白也喪之。何也？」
- ▶ 子思曰：「昔者吾先君子無所失道；道隆則從而隆，道污則從而污。汲則安能？為汲也妻者，是為白也母；不為汲也妻者，是不為白也母。」故孔氏之不喪出母，自子思始也。

- ▶ 孔子前後的家譜
- ▶ 叔梁紇〔出妻〕
- ▶ 孔子
- ▶ 孔鯉〔出妻〕

子思之母

為哭於孔氏之廟乎

子思
庶氏之母死，何
吾過

- ▶ 孔伋(子思)〔出妻〕
- ▶ 孔白(子上)

孔子出妻疑雲的分析

孔子的夫妻關係之二：關係淡薄？還是謹守禮法？

《禮記·檀弓上28》和《孔子家語·曲禮子貢問29》

伯魚之母死，期而猶哭。夫子聞之曰：「誰與哭者？」門人曰：「鯉也。」夫子曰：「嘻！其甚也。」伯魚聞之，遂除之。

孔子的親子關係之一

孔子約20歲當父親

伯魚約46歲喪母(孔子66歲喪妻)

《孔子家語·本姓解1》魚之生也，魯昭公以鯉魚賜孔子，榮君之貺。
故因以名鯉，而字伯魚。魚年五十，先孔子卒。

孔子的親子關係之一

《論語·季氏13》

陳亢問於伯魚曰：「子亦有異聞乎？」對曰：「未也。嘗獨立，鯉趨而過庭。曰：『學詩乎？』對曰：『未也。』『不學詩，無以言。』鯉退而學詩。他日又獨立，鯉趨而過庭。曰：『學禮乎？』對曰：『未也。』『不學禮，無以立。』鯉退而學禮。聞斯二者。」陳亢退而喜曰：「問一得三，聞詩，聞禮，又聞君子之遠其子也。」

《論語·陽貨10》

子謂伯魚曰：「女為《周南》、《召南》矣乎？人而不為《周南》、《召南》，其猶正牆面而立也與？」

孔子的親子關係之二

《孔子家語·致思11》

孔子謂伯魚曰：「鯉乎！吾聞可以與人終日不倦者，其惟學焉。其容體不足觀也，其勇力不足憚也，其先祖不足稱也，其族姓不足道也；終而有大名，以顯聞四方，流聲後裔者，豈非學者之效也？故君子不可以不學，其容不可以不飭。不飭無類，無類失親，失親不忠，不忠失禮，失禮不立。夫遠而有光者、飭也；近而愈明者、學也。譬之污池，水潦注焉，萑葦生焉，雖或以觀之，孰知其源乎？」

孔子的親子關係之三：父女關係

《論語·公冶長1》

子謂公冶長，「可妻也。雖在縲紲之中，非其罪也」。以其子妻之。

孔子的女兒會叫甚麼名字？

孔子的爺孫關係之一

《孔叢子》〈記問第五〉

夫子閒居，喟然而歎。子思再拜請曰：“意子孫不修，將忝祖乎？羨堯、舜之道，恨不及乎？”夫子曰：“爾孺子安知吾志？”子思對曰：“伋於進膳，亟聞夫子之教，其父析薪，其子弗克負荷，是謂不肖。伋每思之，所以大恐而不懈也。”夫子忻然笑曰：“然乎，吾無憂矣。世不廢業，其克昌乎！”

子思問於夫子曰：“為人君者，莫不知任賢之逸也，而不能任賢，何故？”子曰：“非不欲也，所以官人任能者，由於不明也。其君以譽為賞，以毀為罰，賢者不居焉。”

子思問於夫子曰：“伋聞夫子之諂正俗化民之政，莫善於禮、樂也。管子任法以治齊，而天下稱仁焉，是法與禮、樂異用而同功也，何必但禮、樂哉？”子曰：“堯、舜之化，百世不輟，仁義之風遠也。管仲任法，身死則法息，嚴而寡恩也。若管仲之知，足以定法。材非管仲而專任法，終必亂成矣。”

子思問於夫子曰：“物有形類，事有真偽，必審之。奚由？”子曰：“由乎心。心之精神是謂聖，推數究理，不以物疑，周其所察，聖人難諸。”

夫婦關係之一

《禮記》〈中庸12〉

君子之道費而隱。夫婦之愚，可以與知焉，及其至也，雖聖人亦有所不知焉；夫婦之不肖，可以能行焉，及其至也，雖聖人亦有所不能焉。天地之大也，人猶有所憾，故君子語大，天下莫能載焉；語小，天下莫能破焉。《詩》云：『鳶飛戾天，魚躍于淵。』言其上下察也。君子之道，造端乎夫婦，及其至也，察乎天地。」

夫婦關係之二

《禮記·昏義3》

敬慎、重正，而後親之，禮之大體，而所以成男女之別，而立夫婦之義也。男女有別，而後夫婦有義；夫婦有義，而後父子有親；父子有親，而後君臣有正。故曰：昏禮者，禮之本也。

孔子論男女關係：夫妻關係的基礎

▶ 《論語·陽貨25》

▶ 子曰：「唯女子與小人為難養也，近之則不孫，遠之則怨。」

▶ 《論語·八佾20》

▶ 子曰：「關雎，樂而不淫，哀而不傷。」

▶ 《論語·子罕31》

▶ 「唐棣之華，偏其反而。豈不爾思？室是遠而。」子曰：「未之思也，夫何遠之有？」

《詩經·周南·關雎》

關關雎鳩、在河之洲。
窈窕淑女、君子好逑。

參差荇菜、左右流之。
窈窕淑女、寤寐求之。
求之不得、寤寐思服。
悠哉悠哉、輾轉反側。

參差荇菜、左右采之。
窈窕淑女、琴瑟友之。
參差荇菜、左右芼之。
窈窕淑女、鍾鼓樂之。

孔子論親子關係

〈學而6〉

子曰：「弟子入則孝，出則弟，謹而信，汎愛眾，而親仁。行有餘力，則以學文。」

〈為政5〉

孟懿子問孝。子曰：「無違。」樊遲御，子告之曰：「孟孫問孝於我，我對曰『無違』。」樊遲曰：「何謂也？」子曰：「生事之以禮；死葬之以禮，祭之以禮。」

〈為政6〉

孟武伯問孝。子曰：「父母唯其疾之憂。」

〈為政7〉

子游問孝。子曰：「今之孝者，是謂能養。至於犬馬，皆能有養；不敬，何以別乎？」

〈為政8〉

子夏問孝。子曰：「色難。有事弟子服其勞，有酒食先生饌，曾是以為孝乎？」

「三年之愛」與「三年之喪」

《論語·陽貨21》

宰我問：「三年之喪，期已久矣。君子三年不為禮，禮必壞；三年不為樂，樂必崩。舊穀既沒，新穀既升，鑽燧改火，期可已矣。」子曰：「食夫稻，衣夫錦，於女安乎？」曰：「安。」「女安則為之！夫君子之居喪，食旨不甘，聞樂不樂，居處不安，故不為也。今女安，則為之！」宰我出。子曰：「予之不仁也！子生三年，然後免於父母之懷。夫三年之喪，天下之通喪也。予也，有三年之愛於其父母乎？」

孔門弟子曾家的家庭故事之一：雙重父子關係

《孟子·離婁上19》

曾子養曾皙，必有酒肉。將徹，必請所與。問有餘，必曰『有』。曾皙死，曾元養曾子，必有酒肉。將徹，不請所與。問有餘，曰『亡矣』。將以復進也。此所謂養口體者也。若曾子，則可謂養志也。事親若曾子者，可也。」

孔門弟子曾家的家庭故事之二：父子關係

《說苑·建本6》〔《韓詩外傳·卷八26》、《孔子家語·六本10》略同〕

曾子芸瓜而誤斬其根，曾皙怒，援大杖擊之，曾子仆地；有頃蘇，蹶然而起，進曰：「曩者參得罪於大人，大人用力教參，得無疾乎！」退屏鼓琴而歌，欲令曾皙聽其歌聲，令知其平也。孔子聞之，告門人曰：「參來勿內也！」曾子自以無罪，使人謝孔子，孔子曰：「汝聞瞽叟有子名曰舜，舜之事父也，索而使之，未嘗不在側，求而殺之，未嘗可得；小箠則待，大箠則走，以逃暴怒也。今子委身以待暴怒，立體而不去，殺身以陷父，不義不孝，孰是大乎？汝非天子之民邪？殺天子之民罪奚如？」以曾子之材，又居孔子之門，有罪不自知處義，難乎！

孔門弟子曾家的家庭故事之三：母子關係之一

《論衡·感虛79》

《傳書》言：「**曾子之孝，與母同氣**。曾子出薪於野，有客至而欲去。曾母曰：『願留，參方到。』即以右手搯其左臂。曾子左臂立痛，即馳至，問母：『臂何故痛？』母曰：『今者客來欲去，吾搯臂以呼汝耳。』蓋以至孝與父母同氣，體有疾病，精神輒感。」

《論衡·感虛82》

如曾母臂痛，曾子臂亦輒痛，曾母病乎，曾子亦病？曾母死，曾子輒死乎？攷事，曾母先死，曾子不死矣。此精氣能小相動，不能大相感也。

孔門弟子曾家的家庭故事之四：母子關係之

二
一

《新語·辨惑6》

昔人有與曾子同姓亦名參，有人告其母：「參殺人。」母織如故，有，人復來告，如是者三，曾子母乃投杼踰垣而去。曾子之母非不知子不殺人也，言之者眾。夫流言之並至，雖真聖不敢自安，況凡人乎？

孔門弟子曾家的家庭故事之五：夫妻和親子關係

《韓非子·外儲說左上71》

曾子之妻之市，其子隨之而泣，其母曰：「女還，顧反為女殺彘。」妻適市來，曾子欲捕彘殺之，妻止之曰：「特與嬰兒戲耳。」曾子曰：「**嬰兒非與戲也。嬰兒非有知也，待父母而學者也，聽父母之教，今子欺之，是教子欺也。母欺子，子而不信其母，非所以成教也。**」遂烹彘也。

曾子與《孝經》

《孝經·開宗明義1》

仲尼居，曾子侍。子曰：「先王有至德要道，以順天下，民用和睦，上下無怨。汝知之乎？」曾子避席曰：「參不敏，何足以知之？」子曰：「夫孝，德之本也，教之所由生也。復坐，吾語汝。身體髮膚，受之父母，不敢毀傷，孝之始也。立身行道，揚名於後世，以顯父母，孝之終也。夫孝，始於事親，中於事君，終於立身。《大雅》云：『無念爾祖，聿脩厥德。』」

曾子論孝舉例

《大戴禮記·曾子大孝1》

曾子曰：「孝有三：大孝尊親，其次不辱，其下能養。」

《大戴禮記·曾子事父母1》

單居離問於曾子曰：「事父母有道乎？」曾子曰：「有。愛而敬。父母之行若中道，則從；若不中道，則諫；諫而不用，行之如由己。從而不諫，非孝也；諫而不從，亦非孝也。孝子之諫，達善而不敢爭辨；爭辨者，作亂之所由興也。由己為無咎，則寔；由己為賢人，則亂。孝子無私樂，父母所憂憂之，父母所樂樂之。孝子唯巧變，故父母安之。若夫坐如尸，立如齊，弗訊不言，言必齊色，此成人之善者也，未得為人子之道也。」

孟子論男女授受不親及特殊狀況

《孟子·離婁上17》

淳于髡曰：「男女授受不親，禮與？」

孟子曰：「禮也。」

曰：「嫂溺則援之以手乎？」

曰：「嫂溺不援，是豺狼也。男女授受不親，禮也；嫂溺援之以手者，權也。」

曰：「今天下溺矣，夫子之不援，何也？」

曰：「天下溺，援之以道；嫂溺，援之以手。子欲手援天下乎？」

孟子論「大孝終身慕父母」

《孟子·萬章上1》

萬章問曰：「舜往于田，號泣于旻天，何為其號泣也？」

孟子曰：「怨慕也。」

萬章曰：「**父母愛之，喜而不忘；父母惡之，勞而不怨**。然則舜怨乎？」

曰：「長息問於公明高曰：『舜往于田，則吾既得聞命矣；號泣于旻天，于父母，則吾不知也。』公明高曰：『是非爾所知也。』夫公明高以**孝子之心**，為不若是翹〔ㄌㄧˊ ㄩˇ ㄥˇ〕，**我竭力耕田，共為子職而已矣，父母之不我愛，於我何哉**？帝使其子九男二女，百官牛羊倉廩備，以事舜於畎畝之中。天下之士多就之者，帝將胥天下而遷之焉。為不順於父母，如窮人無所歸。天下之士悅之，人之所欲也，而**不足以解憂**；好色，人之所欲，妻帝之二女，而**不足以解憂**；富，人之所欲，富有天下，而**不足以解憂**；貴，人之所欲，貴為天子，而**不足以解憂**。**人悅之、好色、富貴，無足以解憂者，惟順於父母，可以解憂**。人少，則慕父母；知好色，則慕少艾；有妻子，則慕妻子；仕則慕君，不得於君則熱中。**大孝終身慕父母。五十而慕者，予於大舜見之矣。**」

孟子論舜身為天子和瞽叟的父子關係的角色衝突

《孟子·萬章上4》

咸丘蒙問曰：「語云：『盛德之士，君不得而臣，父不得而子。』舜南面而立，堯帥諸侯北面而朝之，瞽叟亦北面而朝之。舜見瞽叟，其容有蹙。孔子曰：『於斯時也，天下殆哉，岌岌乎！』不識此語誠然乎哉？」

孟子曰：「否。此非君子之言，齊東野人之語也。堯老而舜攝也。《堯典》曰：『二十有八載，放勳乃徂落，百姓如喪考妣，三年，四海遏密八音。』孔子曰：『天無二日，民無二王。』舜既為天子矣，又帥天下諸侯以為堯三年喪，是二天子矣。」

咸丘蒙曰：「舜之不臣堯，則吾既得聞命矣。《詩》云：『普天之下，莫非王土；率土之濱，莫非王臣。』而舜既為天子矣，敢問瞽叟之非臣，如何？」

曰：「是詩也，非是之謂也；勞於王事，而不得養父母也。曰：『此莫非王事，我獨賢勞也。』故說《詩》者，不以文害辭，不以辭害志。以意逆志，是為得之。如以辭而已矣，《雲漢》之詩曰：『周餘黎民，靡有子遺。』信斯言也，是周無遺民也。孝子之至，莫大乎尊親；尊親之至，莫大乎以天下養。為天子父，尊之至也；以天下養，養之至也。《詩》曰：『永言孝思，孝思維則。』此之謂也。《書》曰：『祇載見瞽叟，夔夔齊栗，瞽叟亦允若。』是為父不得而子也。」

孟子論舜「告則不得娶」的難題：父母與祖宗

《孟子·萬章上2》

萬章問曰：「《詩》云：『娶妻如之何？必告父母。』信斯言也，宜莫如舜。舜之不告而娶，何也？」

孟子曰：「告則不得娶。男女居室，人之大倫也。如告，則廢人之大倫，以懟父母，是以不告也。」

萬章曰：「舜之不告而娶，則吾既得聞命矣；帝之妻舜而不告，何也？」

曰：「帝亦知告焉則不得妻也。」

孟子論舜的家庭關係

《孟子：萬章上2》

萬章曰：「**父母**使舜完廩，捐階，**瞽瞍**焚廩。使浚井，出，從而擒之。象曰：『謨蓋都君咸我績。牛羊父母，倉廩父母，干戈朕，琴朕，箝朕，二嫂使治朕棲。』**象**往入舜宮，舜在床琴。象曰：『鬱陶思君爾。』忸怩。舜曰：『惟茲臣庶，汝其于予治。』不識舜不知象之將殺己與？」

曰：「奚而不知也？象憂亦憂，象喜亦喜。」

曰：「然則**舜偽喜者與**？」

曰：「否。昔者有饋生魚於鄭子產，子產使校人畜之池。校人烹之，反命曰：『始舍之圍圉焉，少則洋洋焉，攸然而逝。』子產曰『得其所哉！得其所哉！』校人出，曰：『孰謂子產智？予既烹而食之，曰：得其所哉？得其所哉。』故君子可欺以其方，難罔以非其道。**彼以愛兄之道來，故誠信而喜之，奚偽焉**？」

《禮記·坊記38》中論男女關係

子云：「好德如好色。」諸侯不下漁色。故君子遠色以為民紀。故男女授受不親。御婦人則進左手。姑姊妹女子子已嫁而反，男子不與同席而坐。寡婦不夜哭。婦人疾，問之不問其疾。以此坊民，民猶淫泆而亂於族。

孟子的夫妻關係〈明理的婆婆〉

《列女傳·母儀·鄒孟軻母5》

孟子既娶，將入私室，其婦袒而在內，孟子不悅，遂去不入。婦辭孟母而求去，曰：「妾聞夫婦之道，私室不與焉。今者妾竊墮在室，而夫子見妾，勃然不悅，是客妾也。婦人之義，蓋不寄宿。請歸父母。」於是孟母召孟子而謂之曰：「夫禮，將入門，問孰存，所以致敬也。將上堂，聲必揚，所以戒人也。將入戶，視必下，恐見人過也。今子不察於禮，而責禮於人，不亦遠乎！」

孔子和孟子論父親犯罪時兒子該有的作為

《論語·子路18》

葉公語孔子曰：「吾黨有直躬者，其父攘羊，而子證之。」孔子曰：「吾黨之直者異於是。父為子隱，子為父隱，直在其中矣。」

《孟子·盡心上35》

桃應問曰：「舜為天子，皋陶為士，瞽瞍殺人，則如之何？」孟子曰：「執之而已矣。」「然則舜不禁與？」曰：「夫舜惡得而禁之？夫有所受之也。」「然則舜如之何？」曰：「舜視棄天下，猶棄敝屣也。竊負而逃，遵海濱而處，終身訢然，樂而忘天下。」

孟子論舜和象的手足關係

《孟子·萬章上3》

萬章問曰：「象日以殺舜為事，立為天子，則放之，何也？」

孟子曰：「封之也，或曰放焉。」

萬章曰：「舜流共工于幽州，放驩兜于崇山，殺三苗于三危，殛鯀于羽山，四罪而天下咸服，誅不仁也。象至不仁，封之有庠。有庠之人奚罪焉？仁人固如是乎？在他人則誅之，在弟則封之。」

曰：「仁人之於弟也，不藏怒焉，不宿怨焉，親愛之而已矣。親之欲其貴也，愛之欲其富也。封之有庠，富貴之也。身為天子，弟為匹夫，可謂親愛之乎？」

「敢問或曰放者，何謂也？」

曰：「象不得有為於其國，天子使吏治其國，而納其貢稅焉，故謂之放，豈得暴彼民哉？雖然，欲常常而見之，故源源而來。『不及貢，以政接于有庠』，此之謂也。」

餘論：處在高風險家庭中的舜：修身、齊家、治國的榜樣？

《史記·五帝本紀19-21》

舜父瞽叟盲，而舜母死，瞽叟更娶妻而生象，象傲。瞽叟愛後妻子，常欲殺舜，舜避逃；及有小過，則受罪。順事父及後母與弟，日以篤謹，匪有解…

舜父瞽叟頑，母嚚，弟象傲，皆欲殺舜。舜順適不失子道，兄弟孝慈。欲殺，不可得；即求，嘗在側。

舜年二十以孝聞。三十而帝堯問可用者，四嶽咸薦虞舜，曰可。於是堯乃以二女妻舜以觀其內，使九男與處以觀其外。舜居媯汭，內行彌謹。堯二女不敢以貴驕事舜親戚，甚有婦道。堯九男皆益篤。舜耕歷山，歷山之人皆讓畔；漁雷澤，雷澤上人皆讓居；陶河濱，河濱器皆不苦窳。一年而所居成聚，二年成邑，三年成都。堯乃賜舜絺衣，與琴，為筑倉廩，予牛羊。瞽叟尚復欲殺之，使舜上涂廩，瞽叟從下縱火焚廩。舜乃以兩笠自捍而下，去，得不死。後瞽叟又使舜穿井，舜穿井為匿空旁出。舜既入深，瞽叟與象共下土實井，舜從匿空出，去。瞽叟、象喜，以舜為已死。象曰：「本謀者象。」象與其父母分，於是曰：「舜妻堯二女，與琴，象取之。牛羊倉廩予父母。」象乃止舜宮居，鼓其琴。舜往見之。象鄂不懌，曰：「我思舜正郁陶！」舜曰：「然，爾其庶矣！」舜復事瞽叟愛弟彌謹。於是堯乃試舜五典百官，皆治。

孔子論家庭教育的不及之處要當代知識的補充

毓老師的教誨之一：以古人智慧啟發我們現代人的智慧

毓老師的教誨之二：「因不失其新」和「與時俱進」

古人智慧的足與不足：

足處要多認識

不足處要能補充

這些都需要與時俱進的現代教育(學習和踐行)

學問思辨行：博學、審問、慎思、明辨、篤行